



HOUNDARUN IRAHÜÑÜ HABU NIBUREITIÑÜ
GARINAGU LIDAN GÁDÜRU-HATI, 2024
“LIHATI ALAGAN AFIRIKANU”

DIMÂSU #1

IBIHAWAMUTI INÉBESEI
HAMAGIE WAGÜBURIGU

LEBUINA: hasubudiruni irahüñu, ida luba lan
warufuduni inébehabu hadan wanebafagu.



“LE WANI, WANI LAU INÉBESEI, NIBUREITIÑÜ HABU IRAHÜÑÜ”

DIMÄSU #1



IBIHAWAMUTI INÉBESEI HAMAGIE WAGÜBURIGU

LEBUINA: hasubudiruni irahüñu, ida luba lan warufuduni inébehabu hadan wanebafagu.

TUN O LUN ARAUDAHATI

Saragu abiniruni haun sun aroudahatiñu tidan sun lágari furendeï, labu haun sun idehatiñu lidan dâsi le, lau lubafu luma láharite Bungiu. Lau furumieti dimâsu le; wayanuhaba haun irahüñu luagu inébesei hama wagüburigu, wábirigu, wabiñe.

Hafu hasubudiruni irahüñu inebehabu le aubei houseragua gürigia houngua. Hadan wanebafagu wafurendera abusuragúni, ariña seremei, áluga ferudu, sun lubuidun auseruni, labu sun lúyerigu lanichigu Garífuna, wouserun hama sun gürigia, irahüñu yebe, nibureitiña, derebuguhaña, árugutiñu, sungualuagu.

Warauda-habá lidan dimâsu le, mosu la inebehabu-wamá lun wawinwandun lau darangilou le lumagieti wáguchi Bungiu haun sun lirahüñu, hâtima hínsieñe-habúbaña, inebehabu hagia lun keisirügü haun sun íbirigu.

ÚRAGA

Lidan aban fulasu, hageira garinagu, winwantiñu aban inebafagu inebetiñu ani hínsieñehabu lun Bungiu, gundahabuti lau ligaburi hawinwan, binílumutiñu lau libeagei aníchigu le buiti, ürüwañanu hasânigu, biama eñeriñu tuma aban hiñaru gamalumoun anirei aban

katei híruguda-lúmutiña inebafaguha, anirei aban hadagie haroü agüriahouti lau lirougua megeiti; dabeí lágurahoun, aba leiguadun hawei surusiagu segegueina aba larüna; hínsieñe sun harahüñü haun me-megi tónigi-tima-hámuti.

Sufuriti irahü le dan héhereha lupanâgu lau luagu larüna, hachahaméi segekuis, lêtima garitímabei éhereha-hamá biamá líbirigu lau; lau sun araudahamá hagübürigu haun mosu lan inebe lan hamulen haun, hínsieñe ligiame haun keisi le aubei launahei Bungiu; gamalumoun magunfulirutiña lau le araudahoubei haun, abalubeiti hasaminarun agübürigu ha ida luba lan hagridaruni íruni le luei hasani.

¿Kaba san hadüga agübürigu ha?
 ¿Katei hamuga san lubei hadügüni líbirigu irahü le?
 ¿Anirei san inébehabu hadan inebafagu ha?

DÂSI

- 1 Pulika-haméi úraga
- 2 Akutiha-haméi úraga
- 3 Haunabahan luagu ida luba lan warou-duni inébehabu hadan inebafagu.
- 4 Hariñaguni irahüñü habu nibureitiñu sun le hafurenderubei habiñe luagu inébehabu.
- 5 Adüga-hamá irahüñü aban úraga le ñein lumuti inébehabu múnada.



“LE WANI, WANI LAU INÉBESEI, NIBUREITIÑU HABU IRAHÜÑÜ“

ÚREMU



Inebhabu oooh ídehati, lidan lubuidun
awiwäduni hadan inebafagu igundaniba
bariha ñei ñaeeee, darangiloü, insieni hadan
oooh aban inebafagu ítara wabuserubei
eehh

**Nuguyati ; inebeti
garifunaduwoü nun;
ani aroudanumuti
haun nisânigu**

WARAUDAHA LUBURIDUN AUSERUNI HAUN WARAHÜÑÜ

Chülühadibu?
Busugua ba!

Beibuga?
Ayooguaba!

Awiedahadibu?
Baküliniha

Faramase
Hädibu?
Gunfuli ba!

Ebehadibu?
Béñeguha

Layanuhouña
Bun?
Ounababa!

Daradibu?
Daraba!

Ouseguadibu?
Alugaba
Ferudun!

Midehatibu?
Díseba!

Iridahádibu?
Aroudabei lebu!

Madügatibu buití?
Machurahaba!

Adureihádibu?
Bafayeihá!

Afuredehadibu?
Giribugüdabei!

Mamabani?
Alugabei!

Flesiwadibu?
Ruba seremein

Ibideti
luaguna bun?
Balügüdáha!





Hafu inebe lan afaruti lumaragä waun





“LE WANI, WANI LAU INÉBESEI, NIBUREITIŊU HABU IRAHÜŊU“

DÂSI



Kaba luburidü ouséruni wafurendera?



“LE WANI, WANI LAU INÉBESEI, NIBUREITIŊU HABU IRAHÜŊU“



“ANHEIN IBIDIE BAGÜCHA BUN; MENE BEBEI BUN”

ITU: SUYAPA KACHU. LIRAÜ LISIÑE KÜRISTU



**SECRETARÍA DE LAS CULTURAS,
LAS ARTES Y LOS PATRIMONIOS
DE LOS PUEBLOS DE HONDURAS**
GOBIERNO DE LA REPÚBLICA

**DIRECCIÓN GENERAL
DE LAS CULTURAS Y
LOS PATRIMONIOS**

**UNIDAD DE EDUCACIÓN
PLURILINGÜE Y MULTICULTURAL**

EDUCACIÓN
GOBIERNO DE LA REPÚBLICA